

CYNGOR CYMUNED MANORDEILO A SALEM CYFARFOD 9^{fed} MAI 2018

Cynhaliwyd cyfarfod o Gyngor Cymuned Manordeilo a Salem am 7.00pm ar y 9^{fed} Mai 2018 yn yr Ystafell Ddarllen, Cwmifor.

PRESENNOL

Cynghorwyr Alun Davies, Kim Davies, Peter Harries, Doris Jones, Andrew Thomas, Owen Williams a'r Cynghorydd Sir Joseph Davies.

Cytunwyd y dylid ychwanegu 'Asesiad Risg a Rheolaeth 2018/19 fel Eitem Agenda 10A

1. CROESO AC YMDDIHEURIADAU

Yn absenoldeb y Cyng. G. Evans cymerwyd y gadair gan yr Is Gadeirydd Alun Davies. Mae gŵr y Cyng. G. Evans yn derbyn triniaeth ysbyty ar hyn o bryd a mynegodd y Cyng. A. Davies ddymuniadau gorau'r Cyngor iddo. Croesawyd pawb i'r cyfarfod a derbyniwyd ymddiheuriadau gan y Cynghorwyr Arwel Davies, Gwenfil Evans, Dorian Jenkins a William Loynton.

2. CADARNHAU COFNODION Y CYFARFOD DIWETHAF

Cynigiwyd gan y Cyng. P. Harries, eiliwyd gan y Cyng. K. Davies ac roedd pawb yn gytûn, bod cofnodion y cyfarfod diwethaf a gynhaliwyd ar yr 11^{eg} Ebrill 2018, fel ag y maent wedi'u teipio a'u dosbarthu, yn gywir.

Arwyddwyd gan y Cadeirydd

3. DATGANIADAU O DDIDDORDEB

Dim.

4. MATERION YN CODI

4.4.4.4.4.5vii) Mewn perthynas â'r posibilrwydd o osod diffribliwr yn Ystâd Beechwood, fe hysbysodd y Cyng. P. Harries yn dilyn digwyddiad cymdeithasol diweddar yn Neuadd Salem a'r rhoddion gan fusnesau lleol ar yr Ystâd, bydd oddeutu £445 yn cael ei roi i'r Cyngor Cymuned tuag at y gost o brynu diffribliwr. Roedd hyn yn dilyn cais gan fusnesau a thrigolion gerllaw i osod diffribliwr ar safle lle mae llawer iawn o drigolion cyfagos ac ymwelwyr yn defnyddio'r cyfleusterau/busnesau amrywiol ac mae hefyd yn agos iawn at gefnffordd brysur yr A40. Yn dilyn trafodaeth cytunwyd y byddai'r Cyngor yn cwrdd â'r diffyg yn yr arian a godwyd ac yn prynu diffribliwr am gyfanswm o £900.00. Cynigiwyd hyn gan y Cyng. J. Davies, eiliwyd gan y Cyng. D. Jones ac roedd pawb yn gytûn. Caiff y rhodd ei rhoi yng nghyfrif banc y Cyngor. Clerc

Roedd y digwyddiad hefyd wedi bod yn gyfle i ymgynghori gyda thrigolion lleol ynglŷn â phrynu diffribliwr ychwanegol mewn ardaloedd allweddol ar draws ardal Cyngor Cymuned Manordeilo a Salem. Roedd yr ymateb wedi bod yn unfrydol a chadarnhaol a chaiff ei ddefnyddio wrth ail gyflwyno cais am grant i'r 'Big Lottery A4A'. Hysbyswyd gan y Clerc bod sesiwn hyfforddi ar y defnydd o diffribliwr a chymorth cyntaf sylfaenol wedi'i drefnu ar gyfer dydd Mercher 20 Mehefin yn Ystafell Ddarllen Manordeilo i gychwyn am 7.00pm. Mae'n sesiwn hyfforddi rhad ac am ddim ac yn agored i bawb. Dosbarthwyd poster i Gynghorwyr i hysbysebu'r digwyddiad mor eang â phosib a bydd hefyd yn cael ei hysbysebu yn y wasg leol. Trefnir rhagor o sesiynau hyfforddi mewn lleoliad yn Beechwood. Clerc

4.4.4.4.4.13i) Mewn perthynas â'r posibilrwydd o ymestyn y llwybr troed ar hyd yr A40 o Ywen Fach i'r grŵp nesaf o dai ym Mhantglas Manordeilo, mae'r Cyng. J. Davies wedi cysylltu ag Asiantaeth Cefnffyrdd De Cymru ar sawl achlysur yn gofyn am ymweliad safle ond heb dderbyn unrhyw ymateb hyd yn hyn. Cyng. J. Davies

4.5vii) Mewn perthynas â'r tir amwynder yn Nolau Tywi, mae'r Cyng. Arwel Davies wedi ymweld â'r safle ac mae'r borfa wedi'i dorri'n ddiweddar. Mae'r Cyng. Arwel Davies wedi derbyn dyfynbris gan Mr Edward Williams am £20.00 y toriad a hefyd er mwyn gwaredu'r borfa a dorri. Cytunwyd yn unfrydol i ofyn i Mr Williams dorri'r borfa yn ôl y gofyn; Clerc i ysgrifennu at Mr Williams i drefnu. Clerc

4.5A Cadarnhawyd gan Mrs Wendy Phillips y byddai'n ymgymryd ag archwiliad mewnol i'r Cyngor. Dywedodd y Clerc bod dogfennaeth yr Enillion Blynnyddol wedi'i derbyn ac y bydd yn arddangos yr hysbysiadau gofynnol a hefyd yn rhoi'r holl wybodaeth i Mrs Phillips. Clerc

4.13i) Mewn perthynas â darparu banc poteli yn Salem, dywedodd y Cyng. J. Davies y bydd C.S.C. yn ystyried y cynnig hwn fel rhan o'i adolygiad cyfredol o'r ddarpariaeth ailgylchu a gwaredu gwastraff yn yr ardal.

4.13ii) Mae'r Clerc wedi dod o hyd i brisiau ar gyfer biniau graean newydd. Bydd y Cyng. J. Davies yn gwneud ymholiadau i weld a ellir prynu'r rhain trwy C.S.C. am bris mwy rhesymol. Cyng. J. Davies

4.13iii) Mae'r twll yn y ffordd ger Maesllyn wedi'i lanw.

Ymunodd Swyddog Cymunedol yr Heddlu Roger Anthony a'r cyfarfod, doedd yna ddim i'w adrodd ac nid oedd gan y Cynghorwyr unrhyw faterion yr oeddynt hwy am eu codi.

5v) Mae'r Cyng. O. Williams wedi'i benodi yn gynrychiolydd cynghorau cymuned ar y Fforwm Rhanddeiliaid Allweddol fel rhan o'r gwaith paratoi ar gyfer y Cynllun Datblygu Lleol Diwygiedig (CDLI). Atgoffwyd y Cynghorwyr o'r dyddiad cau ar y 29 Mai o ran cyflwyno sylwadau i'r CDLI.

5vi) Mae'r Cyng. O. Williams wedi cytuno i barhau fel cynrychiolydd y Cyngor ar Bwyllgor Ardal Un Llais Cymru.

5vii) Mae manylion Grantiau Llywodraeth Cymru parthed Cyflymu Band Eang Cymru wedi'u rhoi ar wefan a chyfyngau cymdeithasol y Cyngor.

5x) O ran y costau parhaus am gynnal gwefan y Cyngor, mae'r Clerc wedi derbyn dyfynbris gan gwmni lleol ond yng ngoleuni'r ffaith y bydd yn rhaid ail-greu'r safle a'r costau ynghlwm wrth hynny, cynigiwyd gan y Cyng. P. Harries, eiliwyd gan y Cyng. D. Jones ac roedd pawb yn gytûn y dylid derbyn y dyfynbris gan Vision ICT am gostau gynnal y wefan sef £150.00. Y Clerc i geisio trafod y pris ond os na ellir ei newid yna dylid talu'r swm llawn. Clerc

13i) Mae dau fin sbwriel ychwanegol wedi'u gosod un yng Nghwmfôr a'r llall yn Salem. Mae'r gwaith o ddarparu bin ychwanegol ym Manordeilo mewn llaw. Cyng. J. Davies

13iii) Mae llythyr wedi'i anfon i Gapel y Bedyddwyr Cwmfôr yn cefnogi eu ceisiadau am grantiau i ariannu gwneud gwaith atgyweirio i'r capel.

13iv) Mae swm o £878.99 wedi'i dderbyn sef ad-daliad TAW.

5. GOHEBIAETH

i) Cyfriflen Banc Lloyds dyddiedig 09/05/2018, Gweddill o £9,299.22 Nodwyd

ii) Cyfriflen Banc HSBC dyddiedig 15/04/2018, Taflen Rhif 333, Gweddill o £71.49. Nodwyd

iii) C.S.C. Nodyn Talu, rhandaliad cyntaf o'r Archebiant sef £5,000. Nodwyd

iv) C.S.C. Anfoneb - Ad-daliad ar gyfer Etholiadau Cynghorau Cymuned 2017. I'w dalu gan y Clerc. Clerc

v) C.S.C. Hyfforddiant Cod Ymddygiad. Clerc i gofrestru'r Cynghorwyr K. Davies, Alun Davies, G. Evans, D.

Jones, A. Thomas ac O. Williams ar yr hyfforddiant ynghyd â'r Clerc. Clerc

vi) C.S.C. Adolygu'r Polisi Trwyddedu. Nodwyd

vii) C.S.C. Adolygu'r Polisi Gamblo. Nodwyd

viii) Panel Adolygu Annibynnol parthed sesiwn 'galw mewn' i'r gymuned ddydd lau 24^{ain} Mai 2018. Nodwyd

ix) Ymgynghoriad Bwrdd Iechyd Prifysgol Hywel Dda ar Wasanaethau Gofal Iechyd, taflenni a dogfennau ar gael yn Ystafell Ddarllen Manordeilo a Neuadd Bentref Salem. Cyng. P. Harries/Clerc

x) 'Zurich Insurance', adnewyddu premiwm yr yswiriant am £333.56. Cytunwyd y dylai'r Clerc drafod y premiwm gyda Zurich a hefyd dod o hyd i ddyfynbris ychwanegol cyn gwneud y taliad. Clerc

xi) Un Llais Cymru parthed Canllaw i'w Gwasanaethau, ymgynghoriadau, penodiadau cyhoeddus a hyfforddiant. Nodwyd

xii) Yr Urdd parthed cyfarfod i drafod y posibilrwydd o gynnal Eisteddfod Genedlaethol yr Urdd yn Sir Gaerfyrddin yn 2021. Bydd y Cyng. P. Harries yn mynychu'r cyfarfod ar 25 Mehefin 2018 yn Nrefach. Cyng. P. Harries

xiii) 'Bopath Children's Therapy Centre Wales', cais am gymorth ariannol. Chwefror 2019

xiv) Clwb Criced Llanwrda, cais am gymorth ariannol. Chwefror 2019

6. ADOLYGIAD O'R GYLLIDEB

Mae'r Gyfriflen Banc dyddiedig 9 Mai 2018 yn dangos gweddill o £9,299.22. Mae dwy siec (1257 ac 1261) gwerth £150 heb eu cyflwyno sy'n rhoi cyfanswm gwirioneddol o £9,149.22

7. GOLEUADAU

Dim i'w drafod.

8. LLWYBRAU TROED

Dim i'w drafod.

9. PLANNING:

Cytunwyd gwneud y sylwadau canlynol:

E/37069 Orendy Arfaethedig, Garej Domestig a Newidiadau Allanol
Glanbrydan House
Manordeilo
Llandeilo
SA19 7AY
Mr N Evans
Dim Gwrthwynebiad

E/37101 Cais Ol-weithredol er mwyn Ailosod Sied er Defnydd Personol, Domestig a Storfa Cadw Offer Amaethyddol, Cloddio'r Ardal Tu Cefn i'r Sied er mwyn Creu Man Caled er mwyn Parcio a Chadw Peiriannau Amaethyddol
Lletymaelog
Llandeilo
SA19 7HY
Dr Rhys Thomas
Dim Gwrthwynebiadau

E/37125 Rhyddhau trwy Amod 8 ar E/36077 (Manylion Arwyneb – Mynediad)
Tir Gyferbyn â Brodawl
Penybanc
Llandeilo
SA19 7TA
Dim Gwrthwynebiad

10. ARDAL CHWARAE CALEDFWLCH

Dim rhagor i adrodd amdano. Cynigiwyd gan y Cyng. J. Davies, eiliwyd gan y Cyng. D. Jones gyda phawb yn gytûn y bydd y Cyng. A. Thomas yn cysylltu â Mr Paul Davies, llawfeddyg coed cymwys, mewn perthynas â chyflwr y coed sy'n ffinio â'r ardal chwarae ac unrhyw waith arall sydd angen ei wneud. Cyng. A. Thomas

10A. ASESIAID RISG A RHEOLAETH 2018/19

Ystyriwyd yr Asesiad Risg a Rheolaeth ar gyfer y Cyfnod 1 Ebrill 2018 – 31 Mawrth 2019, a ddosbarthwyd. Cynigiwyd gan y Cyng. P. Harries, eiliwyd gan y Cyng. O. Williams ac roedd pawb yn gytûn y dylid ei fabwysiadu.
Arwyddwyd gan y Cadeirydd

11. CYFRIFON I'W TALU

i) Mrs Jane Davies, Cyflog y Clerc Mai 2018, Siec Rhif 1263	£410.00
ii) C.S.C. Ad-daliad ar gyfer Etholiadau Cyngor Cymuned ar gyfer 2017, Siec Rhif 1264	348.07
iii) Mrs Jane Davies, Ad-dalu Ffi Cofrestru ICO, Siec Rhif 1265	35.00
iv) Vision ICT, Cynnal y Wefan, Siec Rhif 1266	150.00
v) 'Zurich Municipal Insurance', Siec Rhif 1267	333.56

CYFANSWM £1,276.63

12. UNRHYW FATER ARALL

- i) Adroddodd y Cyng. P. Harries am gyflwr gwael y ffordd y tu allan i'r capel yng Nghapel Isaac. Mae dŵr yn dod i fyny o'r ddaear trwy amryw o dyllau yn y tarmac ac mae crac mawr yn wyneb y ffordd yn y maes parcio sydd gerllaw. Y Clerc i gysylltu ag Adran Briffyrdd C.S.C. Clerc
- ii) Y Clerc i wneud ymholiadau gydag Adran Gynllunio C.S.C. mewn perthynas â'r defnydd cyfredol o garafán breswyl gerllaw Glanrafon, Capel Isaac. Clerc
- iii) Hysbyswyd gan y clerch ei bod wedi cofrestru'r Cyngor gyda Swyddfa Comisiynydd Gwybodaeth ar gost o £35.00. Mae'r gofynion eraill o ran y Rheoliadau Diogelu Data Cyffredinol ar waith. Clerc
- iv) Diolchodd y Cyng. D. Jones i'r Cyngor am eu dymuniadau da yn dilyn ei thriniaeth ddiweddar yn yr ysbyty.

Gan nad oedd rhagor o fusnes i'w drafod, diolchodd y Cadeirydd i'r aelodau am fynychu a daeth y cyfarfod i ben am 8.45pm.

.....13 Mehefin 2018
CADEIRYDD